

四庫全書

集部

欽定四庫全書

集部

唐音卷

四
五

詳校官中書臣丁榮祚

助教臣常循覆勘

總校官編修

臣

王燕緒

校對官編修

臣

沈清藻

謄錄監生

臣

張世任

欽定四庫全書

唐音卷四

元

楊士弘編

張震註

唐詩正音三

五言律詩

臨川吳氏曰律雖始於唐然深遠瀟散不離於古為得非但句工語工字工而可也

陳伯玉

暉上人獨坐亭

上人摩訶般若經佛言若菩薩一心行阿耨多羅三藐三菩提

心不散亂吳名上人增一經云有過改者名上人入律瓶沙王呼佛弟子為上人又古師云內

有知德外有勝行在
人之工名曰上人

鐘梵經行處香牀坐入禪巖亭交雜樹石瀨瀉鳴泉水

月心方寂雲霞思獨玄寧知人代裏疲病得攀緣

梵浮
圖書

云清淨此言寂靜又云西域種號禪說又浮圖說靜也又
禪有五禪若煩惱悟自心本來清淨元無煩惱無漏智性
本自具足此心即佛依此而修者是為最上乘
禪石瀨說文急流也水月禪定有小定日定故云

春日登九華觀

未詳
其處

白玉仙臺古丹丘別望遙山川亂雲日樓榭入烟霄鶴

舞千年樹虹飛百尺橋還逢赤松子天路坐相邀

仙臺
長安

志在長安西漢文帝作丹丘楚辭仍羽人於丹丘十洲
記丹丘之山夜常明乃仙者所居之地虹橋或石橋名
虹舒電施蓋謂橋如虹也又幽怪錄載開元中正月望
日葉仙駕虹橋與玄宗往廣陵觀燈赤松子見前注

晚次樂鄉縣

樂鄉縣綱目吳以陸抗都督諸軍治樂鄉按抗嘗守荊州到樂鄉或荆

州屬又晉伐吳周方等卒兵八百度江襲樂鄉是亦江陵之地也

故鄉杳無際日暮且孤征川原迷舊國道路入邊城野
戍荒烟斷深山古木平如何此時恨嗷嗷夜猿鳴

春夜別友人

銀燭吐青烟金樽對綺筵離堂思琴瑟別路繞山川明

月隱高樹長河沒曉天悠悠落陽去此會在何年

度荆門望楚

荆域志荆門州楚地郡有山峯巒對峙如門故名弘之荆門記曰郡

西沂江六十里南岸有山名荆門北岸有山名虎牙三山相對楚之西塞

遙遙去巫峽望望下章臺巴國山川盡荆門烟霧開城

分蒼野外樹斷白雲隈今日狂歌客誰知入楚來

巫峽荆州

志在夷陵其首尾百六十里章臺即章華臺見前注巴國三巴之地到此而盡荆門即荊州也狂歌論語楚狂接輿歌而過孔子曰鳳兮鳳兮何德之哀入楚古荊州為南楚

杜必簡

必簡字審言襄州人仕武氏為著作佐郎入為國子監主簿修文館學士少與李嶠

崔融蘇味道
為文章四友

和韋承慶過義陽公主山池

承慶韋思經之子
武氏勅代父為天

官侍
郎

逕轉孤峯逼橋危缺岸妨玉泉移酒味石髓換粳香綰
霧青絲弱牽風紫蔓長猶言宴樂少別向後池塘

青絲
子美

詩天棘蔓青絲注謂天棘
今天門冬是也石髓見前

秋夜宴臨津鄭明府宅

行止皆無地招尋獨有君酒中堪累月身外即浮雲霜

白宵鐘徹風清曉漏聞坐攜餘興往還似未離羣

浮雲論語

富貴於我如浮雲霜白宵鐘徹今仙樂也
喬潭霜鐘賦南陽豐山有九鐘霜降則鳴

送崔融

君王行出將書記遠從征祖帳連河關軍麾動洛城旌

旃朝朔氣笳吹夜邊聲坐覺烟塵掃秋風古北平

書記翰苑

新書魏有太祖以陳琳為司空軍謀祭酒管書記室掌
朝覲聘問慰勞祭祀祈祝之文與號令升黜之事祖帳
祖別記張帳慢於途以飲別也河關洛城河水所經而
山有伊闕之名故示河關也洛城今洛陽縣屬河南府
古北平地域志幽州為北平又遵化為古北平

早春遊望

復齋漫錄以為韋蘇州和陸
丞逸詩云轉作照古作告

獨有宦游人偏驚物候新
雲霞出海曙梅柳度江春
淑

氣催黃鳥晴光轉綠蘋
忽聞歌古調歸思欲霑巾

宦游
王吉

曰長卿久宦游不遂所用雲霞出海曙一聯集云和晉
陵丞早春游望此二句蓋晉陵游望之景黃鳥一名倉
庚齊人謂之搏黍爾雅云蘋萍之大者也本草云謂
之茱萸沾巾漢王莽逐王閭閭泣元后以手巾拭之

沈雲卿

名佺期相州內黃人上
元二年鄭益榜進士

遊少林寺

在洛陽嵩岳傳燈錄達摩禪
師集止嵩山少林面壁九年

長歌游寶地徙倚對珠林
鴈塔風霜古龍池歲月深
紺

園澄夕霽碧殿下秋陰歸路烟霞晚山蟬處處吟

寶地珠林

佛經黃金七寶為地摩尼珠為林徙倚楚詞徙倚而遙思注曰遷移倚之也鴈塔佛在四域有比丘見羣鴈飛乃曰此鴈可充我食鴈即墮地佛曰此鴈王也不可食乃為之瘞鴈建塔又長安城東慈恩寺亦有鴈塔每進士及第俱于此題名以為盛事龍池見前注紺園謂園中樹葉紺碧夕陽照之如水色之澄霽碧殿縹瓦為屑

早發平昌島

山在海中故曰島平昌未詳所在

解纜春風後鳴榔曉漲前陽烏出海樹雲鴈下江烟積

氣衝長島浮光溢大川不能懷魏闕心賞獨冷然

鳴榔說榔

船板也陽烏日也日中有金烏故云魏闕禮正月之吉始和懸治象之法于象魏今闕也又左宮門雙闕懸法

象其狀巍然高
大故曰魏闕

夜宿七盤嶺

七盤嶺在達
州永陸縣

獨游千里外高臥七盤西山月臨窓近天河入戶低芳

春平仲綠清夜子規啼浮客空留聽褒城聞曙雞

平仲
草名

褒城見
前注

被試出塞

十年通大漠萬里出長平寒日生戈劍陰雲拂旆旌飢

烏啼舊壘疲馬戀空城辛苦臯蘭北邊塵損漢兵

長平
枯地

志在上黨汝氏縣即秦坑趙卒四十萬之地皋蘭括地
志古西羌地秦置隴西郡漢屬金城郡皋蘭山名郡因
山得名戈戟兵仗之名說文云戈平頭戟也徐謂戟小
枝上向則為戟平之則為戈一曰戟偏距為戈旌說文
析羽注旌首也所以精進士卒也又析羽謂之折鳥羽
為之其竿頭則綴以旄牛尾旆說文繼旆之旗沛然而
垂

王摩詰

詩評律詩如王維韋應
物輩亦自有蕭散氣

從岐王過楊氏別業

岐王名範玄宗之弟也
開元二年出刺濟北

揚子談經處淮王載酒過興閑啼鳥緩坐久落花多徑

轉迴銀燭林開散玉珂嚴城時未啟前路擁笙歌

揚子
指揚

雄也雄家貧嗜酒好事者載酒從遊然揚雄非楊子恐別有所指及淮王皆未詳或云淮王指岐王而言玉珂今說文石次玉者又云瑪瑙又螺屬生海中又爾雅翼云其大者珂黃黑色其骨可以飾馬勒故云玉珂

同崔員外秋宵寓直

禁中有宿也

建禮高秋夜承明候曉過九門寒漏徹萬井曙鐘多月

迴藏珠斗雲消出絳河更慚衰朽質南陌共鳴珂

建禮門名

漢官典職曰尚書郎晝夜更直五日於建禮門外承明廬名漢嚴助傳君厭承明之廬張晏曰承明廬在石渠門外直宿所止故曰廬也九門關門遠外門近外門國門皋門又曰中門雉門應門又曰南門亦曰正門路門又曰畢門又曰虎門

早朝

柳暗百花明春深五鳳城城鴉睥睨曉宮井轆轤聲方

朔金門侍班姬玉輦迎仍聞遣方士東海訪蓬瀛

五鳳城太

白詩

天上白玉京十二樓五城五鳳城者猶言五鳳樓之類也

睥睨

杜詩睥睨睨登哀柝注女牆闕前眼處博雅作埤垼

轆轤

見前注方朔東方朔也本傳字曼倩平原厭次人

武帝

初即位徵天下賢良文學材力之士朔上書自陳

上傳

之今待詔金馬門金門楊雄傳歷金門上玉堂註

令班

門後更魯班門為金馬門班姬班婕妤好也孝成紀

帝初

即位選入後宮為婕妤好帝遊後庭欲與同輦載婕

妤

辭不就載上善其言而止輦者步車也司馬法曰夏

曰余

車廢曰胡奴車周曰輕車言玉輦則以玉飾而言

其貴

也遣方士漢武元狩二年帝始祀竈遣方士求神

仙人始皇二十八年遣徐市入
海求神仙方士蓬瀛皆見前注

晚春嚴少尹諸公見過

松菊荒三徑圖書共五車烹葵邀上客看竹到貧家雀

乳先春草鶯啼過落花自憐黃髮暮一倍惜年華

三徑三輔

決錄將謂於竹下開三徑惟與羊仲求仲遊又陶靖節歸
去來辭三逕就荒松菊猶存五車莊子云惠施多方其
書五車人漢高祖紀云何入秦丞相府取大籍圖書藏
之秦圖雅承露也大前小葉華紫黃色詩七月烹葵及
菽看竹晉王徽之字子猷吳中一士大夫家有好竹欲
看之便出坐輿造竹下飢渴良久主人洒掃請坐不願
而去雀乳鳥獸摯尾注乳化曰摯人說丈人及鳥獸
生子曰乳黃髮詩詢茲黃髮人黃髮台背注老也

送東川李使君

萬壑樹參天，千山響杜鵑。山中一夜雨，樹杪百重泉。漢

女輸實布，巴人訟芋田。文翁翻教授，不敢倚先賢。

漢女
潼州

漢為廣漢郡，故曰漢女。實，說文：南蠻賦也。實者，率其所
有不切責之也。後漢南蠻傳：咸令大人輸布一疋，小口
二丈，謂之實布。入廣安府古為實成，風俗通曰：實人割
男實人春秋時屬巴郡，故曰巴人。訟芋田，訟其種芋之
田也。文翁本傳為蜀郡太守，始興學校以化蜀民也。

送楊長史赴果州

果州春秋戰國為巴子國，秦滅之，立巴郡。唐曰果州，今紹

府

褒斜不容幘之子去何之鳥道一千里猿聲十二時官

橋祭酒客山木女郎祠別後同明月君應聽子規

褒斜二谷

名見前注幘集韻云車上張繒曰幘史梁鮑泉為通直
郎常乘高幘織蓋不容幘謂谷險窄不能容車也之子
指楊長史也鳥道太白詩西當太白有鳥道註謂道徑
微窄止可容鳥過而已又南中八志曰鳥道四百里以
其險絕獸猶無蹊特上有飛鳥之道耳祭酒客漢法上
客曰祭酒女郎祠者果州志州有金泉山山中有觀乃
仙女謝自然上昇之處卿人祠之

送友人南歸

萬里春應盡三江鴈亦稀連天漢水廣孤客郢城歸郎

國稻苗秀楚人菰米肥懸知倚門望遥識老萊衣

唐三仲

初吳都賦注松江下七十里分流東北入海者為婁江東南流者為東江并松江為三江其地今亦名三江口

吳越春秋范蠡乘舟出三江口者是也即國地名說文魯亭也春秋桓公及齊人戰于即人莊公築臺于即漢

水見前注郢城今郢州古荆楚也春秋為郢都北魏立郢州菰米見前注倚門望左傳齊人淖齒弑王王孫賈

失王處及郢其母曰汝朝去晚來吾以倚門而望老萊衣楚老萊子年七十著五色斑斕衣戲于親前以娛其親

送丘為下第歸江東

金陵古云江左又云江東蓋大江之東也

憐君不得意况復柳條春為客黃金盡還家白髮新五

湖三畝宅萬里一歸人知爾不能薦羞稱獻納臣

黃金盡古

詩黃金然桂盡五湖見前注丘為吳人故云知爾謂相
知不能薦也一作知稱謂漢孔融薦禰衡事獻納臣漢
班固傳註云朝夕論思日月獻納
出入諷諫蓋諫官之職貴在獻納

終南別業

中歲頗好道晚家南山陲興來每獨往勝事空自知行

到水窮處坐看雲起時偶然值林叟談笑滯還期

其資云

如此故自難及○南山陲終南山之址也李肇國史補
曰王維好佛得宋之問輞川別業山水絕勝今南山清
涼寺是
其地也

歸嵩山作

初學記嵩高山者五岳之中岳也其
山三十六峯東有太室西有少室嵩

其總名也

清川帶長薄車馬去閒閒流水如有意暮禽相與還荒

城臨古渡落日滿秋山迢遞嵩高下歸來且閉關

薄說大林

薄也人香材草曰薄閒閒詩桑者閒閒兮注閒閒安閒之意也嵩高下白虎通中央之岳獨加高字者何中央居四方之中而高故曰嵩高山

終南山

雍錄終南山長安之南山也橫亘中南面西起秦隴東徹藍田凡八百里

太乙近天都連山到海隅白雲迴望合青靄入看無分

野中峯變陰晴衆壑殊欲投人處宿隔水問樵夫

太乙南山

中山名人分野天志天有十二次日月之所躔也地有十二辰王侯之所國周保章氏以星土辨九州所封之域皆有分野以觀妖祥故有分野之說也

漢江臨泛

漢陽府漢口即漢江所出之水書江漢朝宗于海蓋漢水自此出與江合

楚塞三湘接荆門九派通江流天地外山色有無中郡

邑浮前浦波瀾動遠空襄陽好風日留醉與山翁

三湘
寰宇

記湘潭湘鄉湘潭源謂之三湘即今之長沙府也九派通洞庭古之九江所合處故九派通也襄陽仙翁俱見前注

送張道士歸山

先生何處去王屋訪茅君別帝留丹訣驅雞入白雲人

間苦難住天上復離羣當作遼城鶴仙歌使爾聞

王屋述異

此十大洞天之一洞周回一萬里名小有清虛之天在洛京茅君列仙傳茅濛字初成隱華山修道始皇時龍駕白日昇天子三人曰盈曰固曰震得道于金陵句曲山即今之茅山也遼城鶴仙傳丁令威鶴駕也化為白鶴集遼東華表柱上歌曰有鳥有鳥丁令威去家千歲今來歸

送李判官赴江東

判官別駕之職太守之佐也

聞道皇華使方隨臬蓋臣封章通左語冠冕化文身樹

色分揚子潮聲滿富春遙知辨讞吏恩到泣珠人

皇華詩皇

皇者華注佐也皇皇猶煌煌也華草木之華也此遣使臣之詩也臬蓋臣太守也太守之車朱轡臬蓋故云封章

謂封事也左語未詳或謂江東為江左故曰左語大身
史記吳也吳太伯奔荆蠻大身斷髮示不用耳揚子揚
子江也富春今杭州府富春縣
也辨壁吏未詳泣珠人見前注

送嚴秀才還蜀

寧親為令子似舅即賢甥別路經花縣還鄉入錦城山

臨青塞斷江向白雲平獻賦何時至明君憶長卿

寧親詩害

詩害否歸寧父母注歸寧問安也似舅宋桓玄聞軍起
曰何無忌劉牢之之外甥酷似其舅共舉大事何謂無
成花縣晉潘岳字安仁出為河陽令滿縣種桃李花人
謂之花縣錦城蜀郡號錦城獻賦前武紀司馬相如字
長卿獻子虛賦帝讀而善之曰朕獨不得與此人
同時哉時揚意為狗監侍上因薦之得召見

送平淡然判官

不識陽關路新從定遠侯黃雲斷春色畫角起邊愁瀚

海經年別交河出塞流須令外國使知飲月支頭

陽關在雍

州城古流沙地人即玉門關名定遠侯漢班超封定遠侯畫角車服儀制云角前世事書所未載或云北方吹以驚中國之馬也又黃帝內傳玄女請製角二十四以警衆入通禮儀纂出尤帥魑魅與黃帝戰始命吹角作龍鳴以禦之軍中置以司昏曉故角為軍容也瀚海交河見前注月支頭大月氏國治藍氏城冒頓單于攻破之而老上單于殺月氏以其頭為飲器

送岐州源長史歸

握手一相送，心悲安可論。秋風正蕭索，客散孟嘗門。批云

曲盡別時
悲惋之情

故騎通槐里，長亭下槿原。征西舊旌節，從此

向河源。

孟嘗門，史孟嘗君齊相，田文也。封孟嘗門，下常有客三千人。槐里在長安，長安志：渭水自桓州

郡縣界東過槐里縣南槿原，未詳。按此詩維與源同在，崔常侍幕作贈時常侍已死，故云。按崔常侍嘗為河西節度使，此云崔常侍，母乃希逸歟。

山居即事

寂寞掩柴扉，蒼茫對夕暉。鶴巢松樹迥，人訪華門稀。嫩竹含新粉，紅蓮落故衣。渡頭燈火起，處處采菱歸。批云：自是

維詩

冬夜書懷

獨坐悲雙鬢空堂欲二更雨中山果落燈下草蟲鳴白

髮終難變黃金不可成欲知除老病惟有學無生

白髮難變

度人經云髮白皮黑不能變災厄之至天資終不可黑也黃金不成前武紀李少君以祠竈却老方見上尊之少君匿其年言祠竈則致物丹砂可化為黃金蓬萊仙者可見因之以封禪則不死學無生見前注

觀獵

風勁角弓鳴

此云氣緊

將軍獵渭城草枯鷹眼疾雪盡馬蹄

輕忽過新豐市還歸細柳營回看射鵰處千里暮雲平

新豐市渭城俱見前注細柳漢文紀曰地名在長安西
三輔黃圖曰細柳倉在渭水北方古徵西張揖曰在昆
明池南今柳市是索隱曰在城門外阿房宮西北維拈
地志云細柳倉在雍州咸陽縣西南即周亞夫次細柳
文帝不得入
林門之地也

賈幼隣

名至擢明經第杜子美詩註云至先世掌絲綸入至父曾嘗於開元間掌制誥至從玄

宗卡蜀為中書舍人帝傳位肅宗嘗誤冊既進臺
帝曰昔先帝誥命乃父為之辭今茲命冊人爾為
之兩朝盛典出卿家父子可
謂繼美矣仕至禮部侍郎

南州有贈二首

今廣西桂林府也謝靈運
詩南州實炎德桂樹凌寒山

極浦三春草高樓萬里心楚山晴靄碧湘水暮流深忽
與朝中舊同為澤畔吟停杯試北望還欲淚霑襟

楚山湘水

見前注澤畔吟
楚辭行吟澤畔

越井人南去湘川水北流江邊數杯酒海內一孤舟嶺
嶠同仙客京華即舊遊春心將別恨萬里共悠悠

孫逖

博州武水人開元元年舉哲人奇士隱倫房
鈞第一人嘗為中書舍人典詔誥為代言官

辭最為精密張九齡視其
草欲易一字卒不能也

宿雲門寺閣

雲門寺在今紹興府會稽縣南三
十一里今名龜熙為州之偉觀王

子敬居此有五色祥雲因建寺謂之雲門

香閣東山下烟花象外幽懸燈千嶂夕卷幔五湖秋畫

壁餘鴻鴈紗窓宿斗牛更疑天路近夢與白雲遊

東山在上

虞縣西南四十五里即謝安隱處

祖詠

開元十一年杜綰榜進士

顯韓少府水亭

梅福幽棲處佳期不忘還鳥啼當戶竹花繞傍池山水

氣侵階冷藤陰覆坐閒寧知武陵趣宛在市朝間

梅福列仙

傳字子真九江人補南昌尉王莽專政一朝棄妻子去
變姓名為吳市門卒人傳以為仙去人瑞州圖經載子
真故宅在公安之豐安鄉旁有尉山及梅仙觀武陵桃
源事見前注此云梅福幽棲處者蓋唐縣尉皆稱少府
故以擬
梅福也

蘇氏別業

別業居幽處到來生隱心南山當戶牖澧水映園林竹
覆經冬雪庭昏未夕陰寥寥人境外閒坐聽春禽

南山即終

南山澧水雍州地域志出
鄠縣距陰山南入于渭

留別盧象

朝來已握手宿別更傷心灞水行人渡商山驛路深故

情君且足謫宦我難任直道皆如此誰能淚滿襟

灞水古曰

滋水雍州地域志秦穆公霸世更名以顯霸功水出藍田縣會澁水澁水北入于渭商山在上洛縣西南四皓處

江南旅情

楚山不可極歸路但蕭條海色晴看雨江聲夜聽潮劍

留南斗近書寄北風遙為報空潭橘無媒寄洛橋

劍留南斗

近晉張華傳豐城縣獄有劍其氣常射斗牛

儲光義

漢陽即事

荊州志春秋時鄭子國今為漢陽府

楚國千里遠孰知方寸違春遊懽有客夕寢賦無衣江

水帶冰泮桃花隨雨飛九歌有深意捐珮乃言歸

有客詩有

客有客亦白其馬注此宋公來朝將去而王燕餞之詩也無衣詩三體詩注詩宜曰無衣與子同仇九歌楚辭屈子有九歌朱子序曰九歌者屈原之所作也屈原既逐因楚人祀神之歌而更定之寄其忠君愛國眷戀不忘之意也捐佩九歌湘夫人捐余袂兮江中遺余佩兮澧浦

題陸山人樓

暮聲雜初鴈夜色涵早秋獨見海中月照君池上樓
雲拂高棟天漢入雲流不惜朝光滿其如千里游

臨江亭

古木嘯寒禽層城帶夕陰梁園多絳樹楚岸盡楓林
山際豈為險江流長自深平生何以恨天地本無心

梁園見前

注天地無心朱子四書天何言哉注云天地無心而成化也

詠山泉

山中有流水借問不知名暎地為天色飛空作雨聲轉

來深澗滿分出小池平恬澹人無見年年長自清

孟浩然

與諸子登峴山

峴山襄宇記在襄陽府漢上去襄陽十里

人事有代謝

批只此一句便見感慨

往來成古今江山留勝跡我

輩復登臨水落魚梁淺天寒夢澤深羊公碑尚在讀罷

一霑襟

批不必苦思自然好若思後不能及○代謝高誘曰代更謝叔也漁梁夢澤見前注羊公碑晉

羊祜出鎮南夏甚得民心後卒百姓為建碑於峴山望者莫不墮淚杜預名墮淚碑詩評云此詩起得高古畧無粉色而情境俱肖悲慨勝於形容

真峴山詩後有能言者亦在下風

臨洞庭

洞庭湖在巴陵縣西北吞赤沙南連青草橫亘七八百里人風士記鼎澧沅湘

合諸蠻黔南之水匯于洞庭至巴陵與荆江合

八月湖水平涵虛混太清
氣蒸雲夢澤波撼岳陽城

批云

吳楚東南圻乾坤日夜浮非不佳但不知後聯能作麼生道否此是自然高處
欲濟無舟楫端

居恥聖明坐觀垂釣者徒有羨魚情

批云托興可傷詩評云起得渾然稱

題然撼偶然不是下字而氣槩橫絕朴不可易端若感興深厚味之言有盡而意無窮

歸終南山

批云亦其最得意之詩最失意之日故首為明皇誦之

北闕休上書南山歸敝廬
不才明主棄多病故人踈
白

髮催年老青陽逼歲除永懷愁不寐松月夜窓虛

批云但人

有此起無此結每見短氣

宿武陽川

川暗夕陽盡孤舟泊岸初嶺猿相叫嘯潭影似空虛就

枕滅明燭扣舷聞夜漁鷄鳴問何處人物似秦餘

批云隨意

唱出便無俗意○秦餘晉人入桃源見有人家皆云先世避秦入此今不知為何時也

宿桐廬江

桐廬縣名今屬嚴州

山暝聽猿愁滄江急夜流風鳴兩岸葉月照一孤舟建

德非吾土維揚憶舊遊還將兩行淚遙寄海西頭

批云孤

似病天趣自得○建德地域志揚州之境漢立新定等縣後改新安郡隨置睦州改遂安郡唐析桐廬為嚴州宋改建德軍今仍嚴州建德乃蒂管縣維揚揚州也禹貢九州之一春秋屬吳越漢為荆王吳王國景帝更為江都國東漢為廣陵郡唐為揚州也

夜渡湘川

客行貪利涉夜裏渡湘川露氣聞芳杜歌聲識采蓮榜人投岸火漁子宿潭烟行旅時相問潯陽何處邊

批云清潤

自喜○湘川地域志自長沙以南皆為湘水此云湘川不知所指潯陽荊州之域屬楚地今州地即漢武之零

陽縣也吳立天門郡晉置南平郡陳廢郡置松州尋改
澧州在水之北故名唐改澧陽郡後為澧州今因之
芳杜杜若香草也見
前注采蓮曲歌名

武陵泛舟

武陵川路狹前棹入花林莫測幽源裏仙家信幾深水

迴青嶂合雲度綠溪陰坐聽猿閒嘯彌清塵外心

武陵荆
州之域

殷國為蠻蠻所居戰國屬楚漢為武陵郡隋改辰州唐
為朗州宋改鼎州後升常德府今因之仙家指桃源言

永嘉浦逢子容

永嘉縣名今屬温州
府浦其在縣之浦也

逆旅相逢處江村日暮時衆山遙對酒孤嶼共題詩解

宇隣鮫室人烟接島夷鄉園萬餘里失路一相悲

批云衆山

孤嶼且不犯時景句而淘洗欲盡孤嶼鮫室見前注島夷書島夷卉服

秦中寄遠上人

一丘常欲臥三徑苦無資北上非吾願東林懷我師黃

金然桂盡壯志逐年衰日夕涼風至聞蟬但益悲

三徑將翺

三徑見前注東林寺名晉慧遠所造廬山記謝靈運即東林譯涅槃經然桂戰國策蘇秦曰楚國之食貴於玉薪貴於桂謁者難見如鬼王難得見如天地今臣食玉灼桂因鬼見帝

晚春

二月湖水清家家春鳥鳴林花掃更落徑草踏還生酒

伴來相命開尊共解醒當杯已入手歌妓莫停聲

批云亦自

豪宕家家春鳥鳴入別諸語情屬不淺

赴京途中遇雪

迢遞秦京道蒼茫歲暮天窮陰連晦朔積雪徧山川

決不

為小兒語求工者

落雁迷寒渚飢鳥噪野田客愁空竚立不見

有人烟

歲除有懷

月令是月日窮于次月窮于紀星回于天歲且更始故曰除夕

迢遞三巴路，羈危萬里身。
亂山殘雪夜，孤燭異鄉人。
漸

與骨肉遠，轉於僮僕親。
那堪正漂泊，來日歲華新。
批云：一年。

將盡夜萬里未歸人非不美後聯倏矣人平生客中除夕誦此不復更作上十字尤和合下十字痛快能言人衆妙集中以為崔塗詩未知孰是但孤獨改孤燭似是也

裴司空見尋

府僚能枉駕，家釀復新開。
落日池上酌，清風松下來。
廚

人具雞黍稚子摘楊梅。
誰道山翁醉，猶能騎馬回。
批云：大巧。

若拙楊梅果名異物志楊梅大如彈丸五月熟其味酸甜有紅紫白三種紫者最勝山翁即山簡見前注

梅道士水亭

傲叟非凡叟名流即道流
隱居不可見高論莫能酬
水

接仙源近山藏鬼谷幽
再來迷處所花下問漁舟

此好又得

語不凡得語故異鬼谷在荊州仙源縣桃源
桃源與荊州亦相近故云事見前注

過故人莊

故人具雞黍邀我至田家
綠樹村邊合青山郭外斜
開

筵面場圃把酒話桑麻
待到重陽日還來就菊花

批每以自

在陵厲者極是雞黍漢書范式與友張元伯別
期元伯九月十五日殷難為黍待之果至話桑麻
陶詩

但道余麻長重陽九月九日也陶淵明嘗於九日無酒出宅已采菊盈把頃之白衣人送酒至

高達夫

送劉評事充朔方判官賦得征馬嘶

評事六典宣帝初於廷尉

置左右平後光武省左平惟有左平掌平決詔獄魏晉直謂之廷尉評隨置大理評事唐置評

事十員掌書移推覆征馬嘶樂府名

征馬向邊州蕭蕭嘶未休思深應帶別聲斷為兼秋岐

路風將遠關山月共愁贈君從此去何日大刀頭

關山月古

此名大刀頭古詩何當大刀頭謂刀頭有環也

贈杜二拾遺

杜二即子美達時為西川節度故贈拾遺唐武氏置左右拾遺二官

以掌供奉諷諫開元以來尤為清選左屬門下省右屬中書省即古司諫之官

傳道招提客詩書自討論佛香時入院僧飯屢過門聽

法還應難尋經剩欲翫草玄今已畢此外復何言

招提釋書

招提菩薩皆古佛名故寺謂之招提或名伽藍或名道場其實一也草玄漢揚雄字子雲蜀郡成都人世以農桑為業至雄少好學其意欲求文章成名於世以為經莫大於易故作太玄

岑參

瀝水東店送唐子歸嵩陽

瀝水在長安出灊陵縣入于灊水嵩陽嵩

州也

野店臨官路重城壓御堤山開灞水北雨過杜陵西歸
夢秋能作鄉書醉懶題橋回忽不見征馬尚聞嘶

送張子尉南海

南海揚州之城百粵之地趙佗自立為南海王至漢武帝始定

為南海郡今廣州府是也

不擇南州尉高堂有老親樓臺重蜃氣邑里雜鮫人海

暗三山雨花明五嶺春比鄉多寶玉慎莫厭清貧

蜃氣說文

大蛤也蚌屬月令雀入大水化為蜃人史天官書蛇為蜃似蛟無足入海旁蜃氣似接臺三山番山禺山堯山

入羅浮山三山之總名五嶺州學記五嶺峙其北謂大庾始安臨賀桂陽揭揚也多寶玉謂廣州所產有珠香犀象玳瑁之屬也此詩謂不以官小任遠而為之者蓋在求祿以養親也

送張都尉東歸

漢趙過為搜粟都尉

白羽綠弓弦年年只在邊還家劍鋒盡出塞馬蹄穿逐

邊西踰海平胡北到天封侯應不遠燕領豈徒然

西踰海或

西域有西海也到天言北地天山也燕領漢班超虎頭燕領飛而食肉北萬里侯相也後以功封定遠侯

送揚州王司馬

隋改治中別駕為長史司馬即漢郎丞之職掌兵馬

君家舊淮水水上到揚州海樹青官舍江雲黑郡樓東

南隨去鳥人吏待行舟為報吾兄道如今已白頭

送王七錄事赴號州

錄事漢郡主簿也晉為掾
卿掌總錄諸曹文簿舉彈善

惡其後刺史有軍而開府者並置之號
州禹貢豫州之域唐改為陝州置錄事

早歲即相知嗟君最後時青雲仍未達白髮欲成絲小

店關門道長河華嶽祠弘農民吏待莫遣馬行遲

青雲須賈

曰不意君致身青雲之上關門函谷關也長河水經曰
歷華山潼關過而曲行華岳華山乃西岳岳在華陰縣
五千仞上有西岳祠宇弘農地域
志號州靈寶縣古弘農故地也

送懷州吳別駕

懷州冀州之域杜預注云在晉
山之南河之北天寶中改為河

內郡乾元中復為懷州柳枝古人折柳送別王仁裕開元遺事曰長安東有灞陵橋於此送別

灞上柳枝黃壚頭酒正香春流飲去馬暮雨濕行裝驛

路通函谷州城接太行覃懷人總喜別駕得王祥

灞上長安

霸水上壚說文賣酒區也前食貨志令官作酒以三千石為一均率間一壚以賣函谷關有二自陝州至靈寶縣南十里秦函谷也自靈寶三萬餘里至河南府新安縣東一里漢函谷也武帝為楊僕移於此太行山名地城志在河內郡北趨於濟源邑界起懷州河內縣北至幽州凡綿亘十州覃懷書覃懷底績注覃懷地名地志河內懷郡有懷縣今懷州也又曾氏曰潭懷平地當在孟津之東太行之西王祥字休徵晉呂虔有佩刀相者以為必登三公虔語別駕王祥曰卿有公輔之量以相與

趙少尹南亭送鄭侍御

江亭酒甕香白面繡衣郎砌冷蟲喧坐簾疏月到牀鐘

繡衣郎御

催離思急絃逐醉歌長闕樹應皆落隨君滿路霜

史也漢武帝謂徐徵齊武王演傳注繡衣尊寵之也滿路霜通典御史為風霜之任故云

號宮送河丞市馬

闕樹晚蒼蒼長安近夕陽回風醒別酒細雨濕行裝習

戰邊塵黑防秋塞草黃知君市駿馬不是學燕王

防秋匈奴

傳伺人出每以鴈為候故邊上戍兵每以秋為防守備燕王史燕昭王即位卑身厚幣以招賢者問郭隗曰古

金史卷四
之人君有以千金使消人求千里馬者馬已死買其骨
五百金而返君怒消人曰死馬且買之況于生者乎馬
今至矣不期年而
千里馬至者三也

高宮谷招鄭鄠

谷口來相訪空齋不見君
澗花然暮雨潭樹暖春雲
門徑稀人跡簷峯下鹿羣
衣裳與枕席山靄碧氛氲

鄭子真隱

谷口此借
以比鄭鄠

晚發五谿

蜀先主於五谿立縣安郡令肇慶府
也五谿者西谿辰谿巫溪武溪元溪

客厭巴南地鄉隣劍北天
江村片雨外野寺夕陽邊
芋

葉藏山徑蘆花間渚田舟行未可住乘月且須牽

肇慶府人

名黔南且有巴江其曰巴南者或以此得名也劍北古之劍州郡漢廣漢郡梓潼縣也後改曰劍州人謂劍陽廣元縣曰劍外五溪必與相連故曰劍北云

武威春暮聞宇文判官西使還已到晉昌

武威古雍

州城即西戎地漢初為匈奴右地後為武威郡唐改涼州今為西涼府

片雨過城頭黃鸝上戍樓塞花飄客淚邊柳挂鄉愁白

髮悲明鏡青春換敝裘君從萬里去聞已到瓜州

瓜州雍州

之城亦古西戎地戰國時為烏縣月支居之漢為晉昌郡隋立為瓜州

殷遙

潤州人開元中為參軍

友人山亭

故人從薄宦往往涉清谿
鑿牖對山月褰裳拂澗霓
遊魚逆水上宿鳥向風栖
一見桃花發能令秦漢迷

王灣

開元二年常無名榜進士

江南意

三體詩作次北固山下

客路青山外行舟淥水前
潮平兩岸闊風正一帆懸
海日生殘夜江春入舊年
鄉書何處達歸鴈洛陽邊

常建

遊破山寺

寺在蘇州府常熟縣

清晨入古寺，初日照高林。竹徑通幽處，禪房花木深。山

光悅鳥性，潭影空人心。萬籟此俱寂，惟聞鐘磬音。

朱子語錄

曰歐陽永叔最喜一人送行詩兩句云晚日都門道微涼草樹天入喜常建詩曰竹徑通幽處禪房花木深公自言平生要道此語不得令人都認識這意思只要關事使難字便謂之好

泊舟盱眙

揚州城西漢時盱眙縣東晉盱眙郡唐西楚州宋昭信軍今屬泗州

泊舟淮水次，霜降夕流清。夜久潮侵岸，天寒月近城。平

沙依鴈宿候館聽雞鳴鄉國雲霄外誰堪羈旅情

淮水繞城

下過魏晉以來壽陽
野貽為淮南之本原

皇甫茂政

名冉丹陽人皇甫曾之兄
天寶間進士仕至右補闕

送韓司直

後魏有大理司直位在正監上不署
曹事唯覆理御史檢校事置六人掌

承制出使推覆若寺
有疑獄則參議之

遊吳還適越來往往風波復送王孫去其如芳草何岸

明殘雪在潮滿夕陽多季子留遺廟停舟試一過

王孫蓋言

古王者之孫如公孫之類也詳見前注季子季札皇
覽冢墓記季子墓在毗陵縣盛陽至今史氏祠之

途中送權曙二兄

三體詩以為
皇甫曾詩

淮海風濤起江關幽思長同悲鵲繞樹獨作鴈隨陽山

晚雲和雪汀寒月暎霜由來濯纓處漁父愛滄浪

淮海
揚州

郡古名淮海鵲繞樹曹操詩云月明星稀烏雀南飛繞
樹三匝無枝可依鴈隨陽尚書注云隨陽之鳥鴻鴈之
屬滄浪楚詞漁父歌曰滄浪之水清兮可以濯我纓

皇甫孝常

名曾丹陽人天
寶十載成進士

送李中丞歸本道

上將宜分閫雙旌復出秦關河三晉路賓從五原人孤

戍雲通海平沙雪度春酬恩看玉劍何處有烟塵

分閩漢文

紀閩以內寡人制之閩以外將軍制之又陸贄奏議云
選將而往分之以閩雙旌唐淮西用兵劉沔夜行有以
雙燭導曰君當大貴後果至大將常有雙燭在雙旌上
五原郡名見前注三晉春秋韓趙魏晉之三卿後滅晉
分其地故云三晉也五原雍州之域春秋戎狄之地秦
為上郡之北境漢屬五原郡入五原本秦九原郡地在
榆林漢元初二
年更名五原

晚至華陰

臘盡促歸心行人及華陰雲霞仙掌出松栢古祠深
野渡冰生岸寒川燒隔林溫泉看漸近宮樹晚烟沈

華陰
邑名

在華州東六十里仙掌王涯太華仙掌註云西岳太華之首峯有五崖自下遠望偶為掌形古祠玄宗太華銘云壇場殿宇無代不修一歲三祠無歲而缺溫泉即華清宮見前注

嚴正文

酬劉員外見寄

員外劉長卿也

蘇耽佐郡時近出白雲司藥補清羸疾憲吟絕妙辭柳塘春水漫花塢夕陽遲欲識懷君意朝朝訪緝師

蘇耽神仙

傳蘇仙公也得修真之術隱於郴州高秀之峯後乘鶴仙去以比劉長卿白雲司黃帝時秋官為白雲司也清羸疾晉廣樂有清羸疾絕妙詞魏曹操與楊修觀曹娥碑曰黃絹幼婦外孫壘曰修解曰黃絹色絲也幼婦少

女也外孫女子也蘆白受辛也蓋絕妙好辭
四字也輯師吳都賦曰篙公楫師言舟也

李從一

名嘉佑趙州人天寶七年進士仕至台袁
二州刺史善為詩綺靡婉麗有齊梁之風

時以比吳
均何遜云

仲夏江陰官舍寄裴明府

江陰古延陵邑之地
梁置江陰郡今為江

陰縣屬常州嘉祐常
為江陰今故有寄

萬室邊江次孤城對海安朝霞晴作雨濕氣晚生寒苔

色侵衣桁潮痕上井欄題詩招茂宰思爾欲辭官

朝霞
說文

雲與日氣相薄也人河圖崑崙山有五色水赤水之氣
上蒸為霞苔色非真謂若苔之色也謂梅氣蒸為苔色

也衣桁衣架也一日晒衣竿也杜詩翡翠鳴衣桁茂宰
謝玄暉詩茂宰深邀春漢卓茂為密令有聲故詩用以
比宰邑者也

送王牧往吉州謁使君叔

吉州為貢荆揚二州之域東漢置廬陵吳

置安城唐為吉州

細草綠汀洲王孫耐薄遊年華初冠帶文采舊弓裘
野渡花爭發春塘水亂流使君憐小阮應念倚門愁

禮記弓裘

良弓之子先學為其良治之子先學為裘小阮阮咸字仲容與叔阮籍為竹林之遊倚門史王孫賈事齊閔王王出走失王之處其母曰汝朝出而晝來則吾倚門而望汝暮出而不歸則吾倚閭而望

至七里灘作

在嚴州府桐廬縣與嚴陵瀨相接
游云有風七里無風七十里

遷客投於越臨江淚滿衣
獨隨流水遠轉覺故人稀
萬木迎秋序千峯駐晚暉
行舟猶未已惆悵暮潮歸

劉文房

送李中丞

周官小宰之職掌建邦之官刑凡官之紀禁即御史中丞之任也漢百官

表御史大夫有兩丞一曰御史丞一曰中丞亦謂中丞為中執法以其居殿中故曰中丞

流落征南將曾驅十萬師
罷歸無舊業老去戀明時
獨立三邊靜輕生一劍知
茫茫漢江上日暮欲河之

三邊漢班

園曰武帝廣開三邊註曰三垂也渭東南西三方也人羽獵賦序割其三邊說文垂遠邊也

雨中過袁稷巴陵山居

巴陵今岳州府

憐君洞庭上白髮向人垂積雨悲幽獨長江對別離
牛羊歸故道鳥雀聚寒枝明發遙相望雲山不可知

在巴陵
見前注

洞庭湖名

喜皇甫侍御相訪

荒村帶晚照落葉亂紛紛古路無行客空山獨見君
野橋經雨斷澗水向田分不為憐同病何人到白雲

穆陵關北逢人歸漁陽

穆陵益都有穆陵縣漁陽今檀州是

逢君穆陵路足馬向桑乾楚國蒼山古幽州白日寒城

池百戰後者舊幾家殘處處蓬蒿偏歸人掩淚看

故桑乾縣

在今朔州有桑乾沙人桑乾水晉慕容儁所都在蒯縣幽州唐漁陽郡

新年作

鄉心新歲切天畔獨潸然老至居人下春歸在客先嶺

猿同旦暮江柳共風烟已似長沙傳從今又幾年

老至居人

下時景新書董勳云正旦飲酒先飲小者以小者得歲故先飲酒賀之老者失時故後飲又初學紀載四氏月

令云正旦進酒次第當從小起長沙傳賈誼也本傳洛陽人河南守吳公薦之召為博士絳灌之徒毀之乃以為長沙王傳

尋南溪常道士

一路經行處莓苔見履痕
白雲依靜渚芳草閉閒門
過雨看松色隨山到水源
谿花與禪意相對亦忘言

松江獨宿

松江水自華亭流入松江
江在吳江縣今為松江府

洞庭初下葉孤客不勝愁
明月天涯夜青山江上秋
一官成白首萬里寄滄洲
久被浮名繫能無愧海鷗

洞庭在蘇

州府非岳
州洞庭也

餘干旅舍

餘干邑名今
屬饒州府

搖落暮天迴青楓霜葉稀孤城向水閉獨鳥背人飛渡
口月初上隣家漁未歸鄉心正欲絕何處擣寒衣

漂母墓

昔賢懷一飯茲事已千秋古墓樵人識前朝楚水流渚
蘋行客薦山木杜鵑愁春草茫茫綠王孫舊此遊

史韓
信傳

信家貧漂母飯之信後為楚王賜母千金古墓東西二
冢俱在淮陰縣北八里莊東冢信母墓西冢漂母墓王

孫漢韓信傳吾哀王孫而進食蓋韓信王者之子
孫故言王孫又春草年年綠王孫歸不歸古詞

韋應物

奉送從兄宰晉陵

東郊芳草歇千里夏雲生立馬愁將夕看山獨送行依
微吳苑樹迢遞晉陵城慰此斷行別邑人多頌聲

吳苑即長

洲苑在蘇州府吳江縣
晉陵縣名屬常州府

送汾城王主簿

少年初帶印汾上又經過芳草歸時徧情人故郡多

批云

閒情婉約可愛

禁鐘春雨細宮樹野烟和相望東橋別微風起

夕波

汾上汾水上的汾州宮樹西河縣有臨汾宮隋大業十四年建

送榆次林明府

榆次縣名屬太原府

無嗟千里遠亦是宰王畿策馬雨中去

此等語亦味外味也

逢人

關外稀邑傳榆石在路繞晉山微別思方蕭索新秋一

葉飛

批云無一句不合路遠晉山微尤極清潤學者可仰王畿地域云懷孟路殷時為畿內周時為畿屬

衛地衛遷河南杜預註云在晉山之南河之北以河北考之則太行山亦在河內縣之北則太行山其亦名晉

山歟榆石未詳

賦得暮雨送李胄

楚江微雨裏，建業暮鐘時。漠漠帆來重，冥冥鳥去遲。海

門深不見，浦樹遠含滋。相送情無限，沾襟比散絲。

楚江即揚

子江也。建業今南京。秦為金陵。晉改秣陵。後人分秣陵為建業。海門江由此入海。故名海門。云

耿漳

河東人。寶應二十年，洪原榜進士。至大歷七年，張式榜仕至左拾遺。

早朝

鐘鼓餘聲裏，千官向紫微。冒寒人語少，乘月燭來稀。清

漏聞馳道，輕霞映瑣闥。猶看嘶馬處，未啟掖垣扉。

紫微晉天

大志紫微天帝之座也馳
道瓊閣掖垣俱見前注

酬暢當

當河東人

同游漆沮後已是十年餘幾度曾相夢何時定得書月

高城影盡霜重柳條疏且對尊中酒千般想未如

輿地廣記

曰漆沮二水名其在不一惟雍州富平縣名川河乃禹貢漆沮

贈張將軍

寥落軍城暮重行
反照間鼓鞞經雨暗
士馬過秋閒
慣守臨邊郡
曾營海上山
關西舊業在
夜夜夢中還

韓君平

名翺天寶十三年揚統榜及第

題薦福寺衡嶽禪師房

薦福寺在饒州府人京北府亦有薦福寺

春城乞食還高論此中間僧臘階前樹禪心江上山疎簾看雪卷深戶暎花關晚送門人去鐘聲查靄間

乞食佛經

次第乞食已禪心達摩曰內傳心印以契證人禪學要覽達摩不立文字直指人心見性成佛臘釋法歲也凡學長幼問夏臘多者為長今釋氏以四月十六日前安居入制至七月十五日為受臘之日若俗歲除日也階前樹釋氏通鑑曰逸士劉軒入黃山石岩見高僧問其年以手指桂樹曰毫髮我植令環人體矣

題慈恩寺振上人房

慈恩寺在長安貞觀二十四年唐高宗為太子時為

大德皇

后創

披衣聞客至，開錄此時開。鳴磬夕陽盡，卷簾秋色來。名香連竹徑，清楚出花臺。身在心無住，他方到幾回。

錢仲文

名起吳興人天寶十年李巨卿榜進士授秘書郎大歷中為翰林學士詩名與郎士

元齊名時人語曰前有沈宋後有錢郎初錢少時寓驛舍聞人吟二句曰曲終人不見江上數峯青後十年就進士試湘靈鼓瑟詩成結句未得遂以二語結之試官李暉批曰神句也遂中首選

同梁鍾文宴

客到衡門下，林香蕙草時。好風能自至，明月不須期。秋

水飜荷影清霜脆柳枝微官是何物許可廢言詩

三體詩注

衡門謂以橫木為門蕙草本草云蕙草生下濕地麻葉方莖赤花黑實如蘼蕪陳藏器云即零陵香爾雅翼蕙似蘭花亦春開蘭先而蕙繼之蘭一葉一花蕙一葉五花山林中十蕙而一蘭漢揚雄傳發蘭蕙與芎藭翻荷影謂荷葉倒水中惟見葉背故曰翻

題隣居齊六司倉

沉冥衆所遺咫尺絕佳期始覺衡門下脩然太古時鷄

聲共林巷燭影隔茅茨坐惜牛羊徑芳蓀白露滋

沉冥謝靈

運詩沉冥空別理芳蓀說大香草也陶隱居云蓀生溪側名溪蓀者極似菖蒲而葉無脊爾雅蓰云楚辭言香

草皆以臣喻唯言孫者喻
君蓋孫於藥性為君故也

送僧自吳遊蜀

隨緣忽西去何日返東林世路無期別空門不住心人

烟一飯少山雪獨行深天外猿聲夜惟聞清梵音

東林見前

注空門釋氏之教以空虛寂滅為宗故曰空門不住心

送僧歸日東

日東日本國也在大海之東日出之地故云日東

上國隨緣住來途若夢行浮天滄海遠去世法舟輕水

月通禪觀魚龍聽梵聲誰憐一燈影萬里眼中明

水月通禪

觀主峯禪師序曰念佛求生淨土亦須修十六禪觀十六觀中有水觀月觀也不住心禪經曰應無住而生其心一燈影佛經云佛祖相傳以法故云傳燈一燈即云一僧也

司空文明

名曙廣平人貞元年仕至水部員外郎與盧綸韓翃錢起李端吉中孚崔峒耿

漳夏侯審苗發齊名號大歷十才子云

喜外弟盧綸見宿

靜夜四無隣荒居舊業貧雨中黃葉樹燈下白頭人以

我獨沉久愧君相見頻平生自有分況是霍家親

霍家似指

霍光而言

雲陽館與韓紳宿別

雲陽秦屬巴郡
今為雲安縣

故人江海別幾度隔山川
乍見翻疑夢相悲各問年
孤燈寒照雨深竹暗浮烟
更有明朝恨離杯惜共傳

經廢寶慶寺

寶慶一作寶
光

黃葉前朝寺無僧寒殿開
池晴龜出曝松暝鶴飛回
古砌碑橫草陰廊畫雜苔
禪宮亦銷歇塵世轉堪哀

郎君胄

名士元中山人天寶中進士仕至郢州刺史
詩法云士元晚唐人佳句甚多與錢起

齊名時人
柄為錢郎

送彭將軍

雙旌漢飛將萬里獨橫戈春色臨關盡黃雲出塞多鼓

輦悲絕漠烽戍隔長河想到陰山路天驕已請和

飛將李廣

也陰山天驕
俱見前注

送韋湛判官

高閣晴江上重陽古戍間聊因送歸客更此望鄉關惜

別心能醉經秋鬢自斑臨流興不盡惆悵水雲閒

送別錢起

暮蟬不可聽落葉豈堪聞共是悲秋客那知此路分荒

城背流水遠鴈入寒雲陶令門前菊餘花可贈君

陶令名元

亮在晉名淵明在宋名潛私諡靖節先生侃曾孫也為彭澤令見晉室將亂棄官歸隱于潯陽之柴桑宅邊多種菊每攜酒吟咏其間采菊東籬下秋菊有佳色其詩也

送張南史

雨餘深巷靜獨酌送殘春車馬雖嫌僻鶯花不棄貧蟲

聲粘戶網鼠跡印牀塵借問山陽會如今有幾人

山陽晉向

秀字子期好老莊之學與嵇康善每與呂安崔園於山陽原被害秀入洛聞笛聲思與康遊宴之好感音而作

思舊賦

李端

趙州人大曆五年李持榜進士端與盧綸等號大歷十子人唐人宴集賦詩必推一人擅

場郭曖尚昇平公主
盛集賦詩李端壇場

茂陵山行陪金部

金部漢戶部有金部置尚書郎主財帛委輸

宿雨朝來歇空山天氣清盤雲雙鶴下隔水一蟬鳴古

道黃花落平蕪赤草生茂陵雖有病猶得伴君行

茂陵武帝

陵名司馬相如嘗卧病茂陵故云雖有病也

竇遺直

字叔向扶風平陵人

春日早朝應制

承詔賦詩
曰應制

紫殿俯千官，春松應合歡。御鑪香燄暖，馳道玉聲寒。乳

燕翻珠綴，祥鳥集露盤。宮花一萬樹，不敢舉頭看。

漢武帝行

幸甘泉郊泰畤，神光降集紫殿。合歡花樹，名玉聲寒。言佩聲也。珠綴，說文：旅綴也。露盤，三輔故事：建章宮中承露盤，高二十丈，七圍，以銅為之。

戴幼公

名叔倫，淮州金壇人。貞元進士，為撫州刺史，遷容管經畧使。

除夜宿石頭驛

石頭城，在金陵。人今岳州府有石頭古驛。

旅館誰相問，寒燈獨可親。一年將盡夜，萬里未歸人。寥

落悲前事支離笑此身愁顏與衰鬢明日又逢春

支離莊子

支離疏者有役則以病不受功上與病者粟則受三鍾支離其形猶可全其天年況支離其德者乎

別友人

三體詩作汝南別董校書

擾擾倦行役相逢陳蔡間如何百年內不見一人閒對

酒惜餘景問程愁亂山秋風萬里道又出穆陵關

陳庾犧氏

所都禹貢為豫州之域周初為陳國秦改潁川郡漢為淮陽郡今為陳州蔡亦豫州之域武王封叔度於蔡即此也秦為三川郡漢為汝南郡南宋為蔡州今為汝寧府穆陵關表海圖穆陵在淄川西山間所謂南至穆陵者也

早行寄朱山人放

山曉旅人去天高秋氣悲明河川上沒芳草露中衰此

別又萬里少年能幾時心知剡谿路聊且寄前期

剡谿王子

猷雪夜訪戴之所
在紹興府會稽縣

江上別張駕

年年五湖上厭見五湖春長醉非關酒多愁不為貧山

川迷道路伊洛暗風塵今日扁舟別俱為滄海人

五湖見前

注伊水名在河南陸渾
山入河洛即洛陽也

戎昱

荆南人仕為節度使詩評戎昱盛唐人而詩絕似晚唐

聞笛

入夜思歸切笛聲清更哀愁人不願聽自到枕邊來風起塞雲斷夜深關月開平明獨惆悵落盡一庭梅

笛曲中有

關山月落梅
花曲故云

王仲初

送人遊塞

初晴天墮絲晚色上春枝城上路分處邊頭人去時停

車數行日勸酒問回期亦是茫茫客還從此別離

扶云眼前

語話
得好

邊上送故人

百戰一身在相逢白髮生何時得家信每日算歸程走

馬登寒隴驅羊入廢城羌歌三兩曲人醉海西營

羌歌人

之歌也羌西戎牧羊人也後漢光武紀羌有百五十四種散處三河之地海西西域志蔥嶺以西海西以來為一城皆西域之地也人武紀李廣利封海西侯

汴路水驛

汴古豫州之城即仲丁遷于囂是也宋為開封府今仍舊

晚泊水邊驛柳塘初起風蛙鳴蒲葉下魚入稻花中去
舍已云遠問程猶向東近來多怨別不與少年同

驛古
之待

舍
也

汴路即事

千里河烟直青楓夾岸長天涯同此路人語各殊方草

市迎江貨津橋稅海商迴看故宮柳憔悴不成行

故宮
漢時

梁孝王
却于汴

醉後憶山人

花開草復秋雲水自悠悠因醉暫無事在生難免愁遇
晴須看月聞健且登樓暗想山中伴如今盡白頭

南中

天南多鳥聲州縣半蕪城野市依蠻姓山村逐水名瘴
烟沙上起陰火雨中生獨有求珠客年年入海行

蕪城謂荒

蕪也陰火鬼火也人海賦陰火潛然注凡水有硫黃其
泉則溫故云陰火杜詩陰房鬼火青是也求珠客見前

注

張文昌

薊北旅思

薊北 漢州之域 秦漢為漁陽 古北平二郡 地唐開元分立 薊州今為遵化

府

久客望鄉國空歌白苧詞長因送人處憶得別家時失意還獨語多愁祇自知客亭門外柳折盡向南枝

白苧詞見

前注

春日留別

遊人欲別離醉後對花枝看却春又晚莫輕年少時臨行記分處迴首是相思各向天涯去重來未有期

望行人

秋風窓下起旅鴈向南飛
日日出門望家家行客歸
無因見邊使空待寄寒衣
獨倚青樓暮烟深鳥雀稀

薊北春懷

渺渺水雲外別來音信稀
因逢過江使却寄在家衣
問路更愁遠逢人空說歸
今朝薊城北又見塞鴻飛

薊城古薊

州今為遵化府

酬韓庶子

周太子之官有庶子掌其戒令與其教治庶子猶諸子也周禮諸子之政

司馬之屬也秦漢
有中庶子唐因之

西街幽僻處正與懶相宜尋寺獨行遠借書常送遲家
貧無易事身病是閒時寂寞誰相問祇應君自知

宿江店

野店臨江浦門前有橘花停燈待賈客賣酒與漁家夜
靜江水白路迴山月斜閒尋泊船處潮落見平沙

夜到漁家

漁家在江口潮水入柴扉行客欲投宿主人猶未歸竹

深村路遠月出釣船稀遙見尋沙岸春風動草衣

杜云
二詩

皆夜次之作自
然寫得意出

送仁弟戴玄往蘇州

楊柳閶門路悠悠水岸斜乘舟向山寺著屐到漁家夜

月紅柑樹秋風白藕花江天詩景好迴日莫令賒

閶門
孫權

記曰吳西郭門夫差作以天門通閶
闔故名之後春中君改為昌門

山中贈日南僧

獨向雙峯老松門閑兩涯翻經上蕉葉掛衲落藤花鬢

石新開井穿林自種茶時逢海南客蠻語問誰家

雙峯寺名

四祖常居此寺入鎮江府海門有雙峯

五言排律附

沈雲卿

酬蘇員外味道夏晚寓直省中見贈

省中尚書省也省有

郎中員外

並命登仙閣通宵直禮闈大官供宿膳侍史護朝衣卷幔天河入開窓月露微小池殘暑退高樹早涼歸冠劍

無時釋軒車待漏飛明朝題漢柱三署有光輝

禮闈說文宮中

門也大官光祿寺有大官署掌飲膳題漢柱漢司馬相如往京師過蜀郡昇仙橋題其柱曰不乘駟馬車不復過此橋三署官制初秦置郎中今其屬官有三署謂五官中郎將左中郎右中郎也人漢官儀云尚書郎初從三署郎選

同章舍人早朝

閭闔連雲起巖廊拂霧開玉珂龍影度珠履鴈行來長樂宵鐘盡明光曉奏催一經傳舊德五字擢英才儼若

神仙去紛從霄漢回千春奉休厯分禁喜趨陪

閭闔洛陽十二

門其西曰閭闔門岩廊漢董仲舒傳游于岩廊之上晉
灼曰堂邊廡岩廊謂岩峻之廊也玉珂龍影度言馬如
龍也珠履鴈行來言百辟趨班也
長樂明光見前注休歷謂美歷也

玄宗

朱子云唐明宗稟英邁只看他做詩出來是甚麼氣魄今唐百家詩首載明皇早度蒲津

關多少飄逸氣槩便有帝王氣質越州有石刻唐
卿臣送賀知章詩亦只有明皇一首好有曰豈不
惜賢達其
如高尚何

早度蒲關

蒲津關在回
州馮翊縣

鐘鼓嚴更曙山河野望通鳴鑾下蒲坂飛旆入秦中地
嶮關逾壯天平鎮尚雄春來津樹合月落戍樓空馬色

分朝景鷄聲逐曉風所希常道泰非復候繡同

鳴鑿說
大人召

乘車駟馬鑿八鑿鈴象鸞鳥和聲人口馬口銜鑿曰鑿
又在車曰鑿在式曰和蒲坂蒲津關之山坂也旆說文
旆垂兒言旆以全帛為之續旆末為燕尾者旆
也繡說文繡采又帛邊漢以為關門之符信也

王摩詰

遊感化寺

翡翠香烟合瑠璃寶殿平龍宮連棟宇虎穴傍簷楹谷
靜惟松響山深無鳥聲瓊峯當戶折金澗透林鳴郢路
雲端迴秦川雨外晴鴈王銜果獻鹿女踏花行抖擻辭

貧里歸依宿化城繞籬生野蕨空館發山櫻香飯青菰

米嘉蔬綠芋羹誓陪清梵末端坐學無生

翡翠銅香爐也凡古銅器

上必有朱砂翡翠等色故云琉璃說文石出大秦國為
器者以自然治之近世銷冶石汁加以藥火成者光澤
不滅魏太祖為琉璃行殿容百人鴈王西域記昔有此
丘見羣鴈飛翔因思而曰若得此鴈可充飲食作是思
惟忽有一鴈投下自殞佛謂比丘曰此鴈王也不可食
之乃瘞而立塔於是名曰鴈塔鹿女報恩經云佛告阿
難鹿女夫人以其一食清華覆上施辟支佛五百世中
尊榮豪貴蓮花垂足化城釋經梵宮難田化城紀殿皆
寺之異名也野蕨說大艷也爾雅初生無葉時可食陸
佃初生似鼈脚故云山櫻爾雅櫻桃果一名含桃人
鬼谷子云一名崖蜜本草一
名朱桃菰芋無生俱見前注

奉和聖製幸玉霄公主山莊因題石壁十韻之

作應制

公主綱目睿宗即位之十二月以西成隆昌二公主為女官後改為金仙玉真

今云玉霄未詳

碧落風烟外
瑤臺道路賒
如何連帝苑
別自有仙家
此地迴鸞駕
緣溪轉翠華
洞中開日月
窓裏發雲霞
庭養冲天鶴
谿留上漢查
種田生白玉
泥竈化丹砂
谷靜泉逾響
山深日易斜
御羹和石髓
香飯進胡麻
大道今無外
長生詎有涯
還瞻九霄上
來往五雲車

碧落度人經
碧空歌大浮

黎土即天而言也瑤臺翠華旗名上漢查俱見前注石
髓列仙傳印疏者國封史也能行義錄形凌石髓而服
之胡麻晉魏夫人字道服胡麻散大道道德經云大道
無名強名曰道今無外中庸其大無外其小無內長生
延年不死也種玉搜神記陽公雍伯置義漿給行人三
年有一人飲訖懷中石子一升與之曰種此生好玉
併得好婦數歲北平徐氏有女公求之曰得白璧一雙當
與婚公至種玉所得白璧五雙以聘遂妻以女因名其
地曰玉田泥竈丹砂漢武元光二年李少君以祠竈却
老方見言祠竈則致物而丹砂可化為黃金蓬萊仙者
可見見之以
封碑得不死

奉和聖製上已於望春樓觀禊飲應制

上巳周禮女巫

掌歲時以祓除疾病禊者潔也故於水上盥潔
之也人應劭風俗通曰巳者祉也邪疾已去祈

介祉也人沈約宋書魏以後但用三月三日不復用已日矣

長樂青門外宜春小苑東樓開萬戶上輦過百花中畫鷁移仙妓金貂列上公清歌邀落日妙舞向春風渭水

明秦甸黃山入漢宮君王來袂襖灞澹亦朝宗

長樂青門宜春

小苑見前注畫鷁相如賦浮文鷁綠舟也亦曰畫鷁金貂晉阮孚以金貂換酒注貂鼠屬北方寒以貂皮暖額因為侍中冠飾亦取內勁悍外溫潤之意黃山見七言律注內灞澹二水名亦在長安朝宗書江漢朝宗于海注春見曰朝夏見曰宗上公見前注

曉行巴峽

際曉投巴峽餘春憶帝京晴江一女浣朝日衆鷄鳴水
國舟中市山橋樹杪行登高萬井出眺迴二流明人作
殊方語鴛鴦爲故國聲賴諳山水趣稍解別離情

巴峽雍州地域

志夔州卽巴峽之地夔州卽名三巴人三峽之所在故名

送祕書晁監歸日本

積水不可極安知滄海東九州何處遠萬里若乘空向
國惟看日歸帆但信風鰲身睽天黑魚眼射波紅鄉樹
扶桑外主人孤島中別離方異域音信若爲通

日本國名在大

海之東日出之地故曰日本秘書漢桓帝置秘書監一人掌典圖書古今大字考合異同唐改蘭臺入曰麟閣鼇說大海中大鼇也以背負山周四十里扶桑搜神記碧海中有樹長數千丈兩幹同根更相依倚故曰扶桑也

孟浩然

登總持寺塔

在長安唐貞觀十二年釋智實於寺辭衆而逝後三原信士方三十

餘里為
立塔

半空躋寶塔晴望盡京華竹繞渭川遍山連上苑斜四門開帝宅阡陌俯人家累刳從初地為童憶聚沙坐覺

諸天近空香送落花

子威選高曠佛地幻語不具又太白

妙處

○躋登也盡徧也渭川上苑俱見前注劫梵書以

一世為一劫又楞嚴經度百千劫猶如彈指人度人經

惟有元始浩劫之初蓋儒為世釋為劫道為塵初地大

乘寶王經云有證初地二地乃至有証十地菩薩摩訶

薩位者聚沙法華經云乃至童子戲聚沙為佛塔

李頎

宿香山寺石樓

寺在廬山人白樂天亦嘗於香山構石樓

夜宿翠微半高樓聞暗泉漁舟帶遠火山磬發孤烟衣
拂雲松外門清河漢邊峯巒依枕席世界接人天
藹藹

花出霧輝輝星映川東林曙鶯滿惆悵欲言旋

東林寺名在廬

山晉惠
遠所建

唐音卷四